



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 8. Acclamations a Lotharingio Cardinale pronuntiatæ, & responsiones
Patrum.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

quem tamen quidam malevoli aut levi-^{Sæcul. XVI.}
tatis, aut fastus arguebant, perinde ^{A. C. 1563.}
acsi hoc potius cujusdam Diaconi, Se-
cretarii, aut Promotoris, non autem
insignis Archiepiscopi, ac Cardinalis
munus fuisset: nec tamen id a Cardi-
nale factum fuisse, exemplo caret, quip-
pe in octavo Concilio Generali in gra-
tiarum actionem pro felici successu ipse-
met Præses, non autem quidam Can-
tor Hymnum Ambrosianum intonabat:
nunc vero percipiamus hæc acclama-
tiones, prout in Concilii actis factæ le-
guntur.

§. VIII.

*Acclamationes a Lotharingio Cardi-
nale pronuntiatæ, & responsio-
nes Patrum.*

Incoepit Cardinalis a Lotharingia: *Bea-
tissimo Pio Papæ, & Domino nostro,
Sanctæ, & universalis Ecclesiæ Pontifici,
multi anni, & æterna memoria.*

Responsio Patrum.

Domine Deus, Sanctissimum Pa-
trem diutissime Ecclesiæ tuæ conserva:
Multos annos.

Card. Beatissimorum summorum
Pontificum animabus, Pauli tertii, &
Julii tertii, quorum auctoritate hoc sa-
crum Generale Concilium inchoatum
Hist. Eccles. Tom. XLVII. M est,

Sæcul. XVI. est, pax a Domino, & æterna Gloria,
A.C. 1563. atque felicitas in luce sanctorum.

Resp. Memoria in benedictione sit.

Card. Caroli V. Imperatoris, & Serenissimorum Regum, qui hoc universale Concilium promoverunt, & protexerunt, memoria in benedictione sit.

Resp. Amen, amen.

Card. Serenissimo Imperatori Ferdinando, semper Augusto, Orthodoxo, & Pacifico, & omnibus Regibus, Rebuspublicis, & Principibus nostris, multi anni.

Resp. Pium, & Christianum Imperatorem Domine conserva: Imperator Cœlestis terrenos Reges rectæ fidei conservatores custodi.

Card. Apostolicæ Romanæ Sedis Legatis, & in hac Synodo præsidentibus, cum multis annis magnæ gratiæ.

Resp. Magnæ gratiæ: Dominus retribuat.

Card. Reverendissimis Cardinalibus, & Illustribus Oratoribus.

Resp. Magnas gratias: Multos annos.

Card. Sanctissimis Episcopis vita, & felix ad Ecclesias suas reditus.

Resp. Præconibus veritatis perpetua memoria: Orthodoxo Senatui multos Annos.

Card.

Card. Sacrosancta Oecumenica Tri-Sæcul. XVI.
dentina Synodus: Ejus fidem confiteamur: Ejus decreta semper servemus. A. C. 1567.

Resp. Semper confiteamur, semper servemus.

Card. Omnes ita credimus, omnes idipsum sentimus, omnes consentientes, & amplectentes subscribimus. Hæc est fides Beati Petri, & Apostolorum; hæc est fides Patrum; hæc est fides Orthodoxorum.

Resp. Ita credimus, ita sentimus, ita subscribimus.

Card. His decretis inhærentes digni reddamur misericordiis, & gratia primi, & magni supremi Sacerdotis Jesu Christi Dei, intercedente simul inviolata Domina nostra sancta, Deipara, & omnibus sanctis.

Resp. Fiat, fiat. Amen, amen.

Card. Anathema cunctis hæreticis.

Responderunt Patres. Anathema, Anathema.

Hac ratione absolvebantur acclamationes, mox vero Galli Cardinalem Lotharingium reprehendebant, quod post nomina Patrum, ac Cæsarum, sub quibus Synodus fuerat celebrata, simul omnes Reges nominasset, nec specialem Galliarum Regis mentionem fecisset, prout tamen ad Synodi initium vivente Carolo V. observatum fuerat,

M 2

porro

Sæcul. XVI.
A.C. 1563

porro id abs dubio ab eo factum dicebant, ne Philippum II. Hispaniæ Regem offenderet: postquam igitur Cardinalis in Franciam redierat, hac super re a Senatu Regio objurgabatur; ast ille reposuit, quod hac agendi ratione usus esset, ut inter utrumque potentissimum Regem pacem conservaret, atque per eorum unionem totius Christianæ Reipublicæ utilitatem procuraret.

§. IX.

Patres Synodi actis subscribere jussi.

Pallav. l. 24.
c. 8. n. 13.

Absolutis acclamationibus injunctum fuit a Legatis, & Præsidentibus sub pœna excommunicationis omnibus Patribus, ut, antequam discederent e civitate Tridentina, subscriberent manu propria decretis concilii, ac ea per publicum instrumentum approbarent. Postea Synodi Promotor cunctis, qui Concilio a secretis, ac tum præsentes erant, præcepit, ut subscribentium nomina in tabulas referrent, demum vero Moronus Legatus Hymnum Ambrosianum intonabat, quo decantato omnibus Synodi Patribus bene precatus dixit: *Ite in pace.* Massarelus autem, qui Synodo a secretis erat, juncta cum ceteris opera cuncta decreta colligebat, ac Patrum subscriptiones, prout jussus erat,